



«14» 04 2026թ.

№ պլան/812

«Լենտեքս» ՍՊԸ-ին /ՀՎՀՀ 05524005/
ՀՀ, ք. Գյումրի, Վ. Սարգսյան 111/3
էլ. փոստի հասցե՝ astoyan.susan@mail.ru
Հեռ.՝ +374 94 00 02 29

ՀՀ պաշտպանության նախարարության և «Լենտեքս» ՍՊԸ-ի միջև 26.03.2024թ. կնքված N ՓՊՄԱՊԶԲ-24-7/31-1 ծածկագրով գնման պայմանագրի (այսուհետև՝ Պայմանագիր) և 14.06.2024թ. կնքված թիվ 1 համաձայնագրի (այսուհետև՝ Համաձայնագիր) շրջանակներում «Լենտեքս» ՍՊԸ-ն ի թիվս մատակարարվելիք այլ ապրանքների պետք է մատակարարեր նաև 4000 հատ Պայմանագրի (Համաձայնագրի) 1-ին չափաբաժնով նախատեսված ապրանքը, որը չի մատակարարել:

Հիմք ընդունելով Պայմանագրի 2.1.7.1 կետի «բ» ենթակետը՝ (ապրանքի մատակարարման ժամկետները խախտվել են 20 օրից ավելի) ՀՀ պաշտպանության նախարարությունը 13.04.2026թ.-ին միակողմանի մասնակի լուծում է վերոնշյալ Պայմանագիրը (Համաձայնագիրը) 1-ին չափաբաժնի մասով:

Տեղեկացնում են, որ «Լենտեքս» ՍՊԸ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել **405 330** ՀՀ դրամ՝ որպես տույժ (Պայմանագրի 6.2 կետի համաձայն) և **13 740** ՀՀ դրամ՝ որպես տուգանք (Պայմանագրի 6.3 կետի համաձայն), որը հաշվարկված է մինչև 26.01.2026թ. ներառյալ: Ինչպես նաև Պայմանագրի միակողմանի մասնակի լուծման արդյունքում պայմանագրի կատարման ապահովման գումարը կազմում է **920 400** ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900005000758 հաշվեհամարին և որակավորման ապահովման գումարը կազմում է **460 200** ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900008000664 հաշվեհամարին:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման

գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Միաժամանակ տեղեկացնում եմ, որ եթե մինչև 2026թ. ապրիլի 23-ը ներառյալ Ձեր կողմից վճարվի վերը նշված **920 400 ՀՀ դրամ՝** պայմանագրի կատարման ապահովման և **460 200 ՀՀ դրամ՝** որակավորման ապահովման գումարները, ապա «Լենտեքս» ՍՊԸ-ն չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև 2026թ. ապրիլի 23-ը ներառյալ ներկայացնել ՀՀ ՊՆ գնումների կազմակերպման վարչություն, 2071 սենյակ:

Տեղեկացնում եմ նաև, որ պայմանագրի և որակավորման ապահովման գումարները, ինչպես նաև հաշվարկված տույժի ու տուգանքի գումարերը Ձեր կողմից չվճարելու դեպքում ՀՀ պաշտպանության նախարարությունը կձեռնարկի միջոցներ դրանց գանձելու ուղղությամբ:

Հարգանքով՝



Կ. ԲՐՈՒՏՅԱՆ